

BITKA NA BEDRU

غزوة بدر

Karavan koji su kurejšije poslali u Šam, radi trgovine, bio je na povratku za Meku. Karavan se sastojao od hiljadu deva natovarenih raznom robom i dobrima.

Muhammed, s.a.v.s., saznao je za dolazak karavana, pa je rekao muslimanima: "Ovo je kurejševički karavan. U njemu su imeci vaši (tj. u njega su uloženi vaši imeci), pa izađite i suprotstavite mu se. Možda ga Allah, dž.š., učini vašim plijenom!"

Poznato je da su muslimani izgubili sav svoj imetak u Meki i mušrici su ga prisvojili sebi.

Muhammed, s.a.v.s., je s još 314 ashaba izašao iz Medine s ciljem da se suprotstavi karavanu.

Oni su imali samo dva konja i sedamdeset deva, tako da su tri muslimana jahala jednu devu, mijenjajući se međusobno.

Muslimani su išli sve dok nisu stigli do mjesta zvanog Bedr.

Pošto je do Ebu-Sufjana, vođe karavana, stigla vijest da je Muhammed, s.a.v.s., izašao s ashabima da se suprotstavi karavanu, on je promijenio pravac putovanja, a u Meku je poslao izaslanika, kako bi doveo pomoć i tako spasio karavan.

Kurejšije su odmah spremile vojsku koja je imala oko 1000 vojnika, od kojih je bilo stotinu konjanika, pod komandom Ebu-Džehla.

Ebu-Sufjan je s karavanom uspio izmaknuti muslimanima i spasiti se, i o tome je obavijestio Kurejšije u Meki, ali su oni bili uporni da se sukobe s muslimanima.

Tako su se Kurejšije i muslimani sukobili na Bedru, a Allah, dž.š., je u noći uoči bitke spustio silovitu kišu na Kurejšije, koja im je razblatila teren i onemogućila kretanje.

S druge strane, kiša koju je Allah, dž.š., spustio na muslimane, bila je blaga i samo je učvrstila pijesak pod njihovim nogama.

Noć uoči bitke, bila je uoči petka. Muslimani su se ulogorili, a Poslanik, s.a.v.s., dugo je klanjao i molio se Allahu, dž.š.

Sutradan je počela bitka, a Allah, dž.š., je u pomoć muslimanima poslao meleke da se bore protiv Kurejšija.

Muslimani su u toj bitki ubili 70 mušrika, i isto toliko zarobili, i ona se završila pobjedom muslimana.

U bitki su poginule glavešine Kurejšija, a među njima je bio i Ebu-Džehl. Njega su ubila dva mladića muslimana iz redova Ensarija, a zvali su se Mu'az i Muavviz. Prije bitke su se raspitivali među ashabima o Ebu-Džehlu i tražili od njih da im ga pokažu, kako bi ga ubili, jer je hulio Allahovog Poslanika, s.a.v.s.